

## Script of Morning Gojri News Bulletin 04 September 2024 at 1015Hrs

مارننگ گو جری نیوز بلیٹن مورخہ 04 ستمبر 2024

\*\*\*\*\*

یوہ آکا شوانی جموں ہے عبدالرحمن تیں خبر سُنو۔

### Campaign

جموں کشمیر مانہہ اسمبلی انتخابات گا پہلا مرحلہ غے تحت پولینگ غو وقت جونہی نزدیک آریوہے تاں سیاسی لیڈر لوکاں غی حمایت اپنے اپنے در موڑن غی کاطر سیاسی مہم مانہہ تیزی لیا رہیا ہیں۔ کانگریس گا سابق صدر تے لوک سبھا مانہہ حزب اختلاف گا لیڈر راہل گا ندھی ضلع رام بن تے اننت ناگ مانہہ بانہال تے ڈورو اسمبلی حلقاں مانہہ عوامی ریلیاں سنگ خطاب کریںگا۔ جد کہ گل بند کا نگرہس کمیٹی گا صدر ملک ارجن کھڑگے تے راہل گاندھی اچ نویں دہلی مانہہ اک میٹنگ غے دوران انتخابی تیاریاں گو جائزو وی لیں گا۔ پارٹی ذرائع غو کہنو ہے جے اچ سویرے ہی جناب راہل گاندھی اک خصوصی طیارہ مانہہ دہلی تیں روانہ ہو غے تقریباً 10 بجے جموں ہوائی اڈہ ور پُجیں گا جتوں وے ایک ہیلی کپٹر مانہہ بانہال اسمبلی حلقہ غا سنگلداں علاقہ مانہہ کانگریس امید وار وقار رسول وانی گا حق مانہہ 11 بجے اک ریلی سنگ خطاب کرن واسطے اُت جائیں گا۔ اُت اپنا خطاب توں بعد وے ڈورو اننت ناگ مانہہ کانگریس امید وار جی اے میر غا حق مانہہ اک پور انتخابی ریلی سنگ دوپہر ساڈہ 12 بجے خطاب کرن واسطے اُت پُجیں گا۔ یہ ریلیں اسمبلی چناؤ گا پہلا مرحلہ غے تحت چناؤ لڑ رہیا پارٹی امید وار گا حق مانہہ مہم غو اک حصو ہے۔ اس مرحلہ غے تحت 18 ستمبر نانہہ ووٹ کھلیا جائیں گا۔ مرکزی وزیر داخلہ تے بھارتیہ جنتا پارٹی گا لیڈر امت شاہ غی طرفوں بی جے پی گا امید واراں گا حق مانہہ ووٹ حاصل کرن گا مقصد سنگ دوڈہ، کشتواڑ خطہ مانہہ اک ریلی سنگ خطاب کرن غو پروگرام ہے، مگر اس بارے تاریخ تہہ کرنو باقی ہے۔ واضع رہ جے ڈوڈہ کشتواڑ تے رام بن ضلعاں گا 8 اسمبلی حلقاں تے جنوبی کشمیر غا 4 ضلعاں اننت ناگ، پلوامہ، شوپیاں و کلگام غی 16 اسمبلی سیٹاں ور پہلا مرحلہ غے تحت 18 ستمبر نانہہ ووٹ کھلیا جائیں گا۔

\*\*\*\*\*

### MCC FIR

اسمبلی حلقہ اندروال غا ریٹرننگ افسر غی طرفوں ذرائع ابلاغ مانہہ پھیل رہی اک اشتعال انگیز ویڈیو گا ادراک مانہہ اک ایف آئی آر درج کروا غے پولیس نانہہ کہیو گیو ہے کہ واہ اس معاملہ غی تحقیقات کرے۔ سماجی ذرائع ابلاغ ور چل رہی اس ویڈیو مانہہ کجھ نامعلوم افراد قابل اعتراض اشتعال انگیز تے غیر مناسب نعرہ لاتاں واں چناؤ لڑ رہیا امید وار غلام محمد سروری غا حق مانہہ بولتاں سُنیا جا رہیا ہیں۔ مثالی ضابطہ اخلاق غے دوران ایسا اشتعال انگیز نعرہ یاہ پروپو گنڈہ چناوی جُرم ہے۔ اس سلسلہ مانہہ چناؤ لڑ رہیا امید وار تیں جلد اس بارے پوچھیو گیو تاں اُس نے اپنا جواب مانہہ ایسی کسی میٹنگ غا علم تیں انکا ر کرتاں واں کہیو جے کجھ شرارتی افراد نے اس ویڈیو مانہہ کٹ بڈ غے پھیلائیو ہے۔ جس غو مقصد جمہوریت غا تہوار مانہہ غلط ماحول پیدا کرنو ہے۔ یوہ معاملو ریٹرننگ افسر غی جانچ غے تحت ہے تے اس سلسلہ مانہہ پولیس سٹیشن چھا ترو مانہہ عوامی نمائندگی قانون 1951 غی سیکشن 125 غے تحت ایف آئی آر زیر نمبر 2024/51 درج کی گئی ہے۔ تے شر پسند اشخاص نانہہ پکڑن بارے تحقیقات جاری ہے۔

\*\*\*\*\*

CS Assembly Complex

چیف سیکریٹری اتل ڈلو نے کل قانون ساز اسمبلی کمپلیکس غو دورو کر غے اُت جدید کا ری و ر مرمتی کم غی پیش رفت غو جائزو لیو ہے۔ اُنہاں نے اس موقعه و ر متعلقہ افسراں نانہہ کہیو جکے وے اس کم و ر کم غی رفتار نانہہ تیز کرتاں و اں بغیر کسے تاخیر غے اس نانہہ ویلے سر مکمل کروایو جائے۔ چیف سیکریٹری موصوف نے سپیکر، ڈپٹی سپیکر تے حزب اختلاف گالیڈر غا چیمبرز تے لائبریری ہال گو دورو لاغے محکمہ اسٹیٹ نانہہ کہیو جے وہ اُت ہر پہلو گا کم نانہہ مکمل کراوے۔ جناب ڈلو نے متعلقہ افسراں نانہہ کہیو جے وے خطابت نظام، انٹرنیٹ رابطاں، کمپیوٹر پروگراماں غی تازہ کا ری، بیٹھن غی سہولت، نواں قالین سمیت عمارتی بہتری بارے تمام سہولیات نانہہ یقینی بناویں۔ اُنہاں نے راجدھانی آلا دوہاں شہراں مانہہ ایم ایل اے ہوسٹلاں غی جدید کا ری با رے وی جانکا ری حاصل کی۔ تے کہیو جے اُنہاں نانہہ بہتر سہولیات سنگ لیس کیو جا ئے۔

\*\*\*\*\*

### DIG Visit

آتا اسمبلی انتخابات غے دوران حفاظتی انتظامات غو جائزو لین غی خاطر جموں سائبہ کٹھوعہ ریجن غا ڈپٹی انسپکٹر جنرل پولیس شیوکار شرما نے اکھنور تے چوکی چورہ غا دور دراز علاقاں غو دورو لایو ہے۔ اپنا دورہ غے دوران اُنہاں نے حفاظتی ڈیوٹی و ر معمور نیم فوجی دستاں سنگ بات چیت کی۔ تے اُنہاں نانہہ ڈیوٹیاں بارے واقف کرایو۔ اُنہاں نے حفاظتی دستاں واسطے رہائشی انتظامات غو وی معائنو کیو۔ اُنہاں نے حالیہ دہشت گردانہ حملان گا تناظر مانہہ افسراں نانہہ کہیو جے وے بکھ بکھ علاقاں مانہہ چوکسی بدھاویں ناکہ مضبوط کریں تے چکنا رہیں۔ اُنہاں نے گو رنمنٹ ہائر سکینڈری اسکول چوکی چورہ سمیت دور دراز پولینگ مرکزیاں و ر اسمبلی انتخابات غی تیاریاں گو جائزو لیو۔ تے حفاظتی ایجنسیاں نانہہ ہدایت جاری کیں جے وے آتا اسمبلی چناؤ غا تناظر مانہہ پُر امن ماحول بنائے رکھن بارے مشکوک افراد و ر کڑی نظر رکھیں۔

\*\*\*\*\*

### Police Observer

اسمبلی حلقہ نمبر 51 بھدرواہ، 52 ڈوڈہ تے 53 ڈوڈہ مغرب بارے پولیس نگران دھرمو پرے اُس علاقہ مانہہ پولینگ اسٹیشن غو تفصیلی دورو کیو تے اُت سہولیات غو جائزو لیو۔ اس دورہ غو مقصد کہتوں کہٹ یقینی سہولیات غی عمل آوری نانہہ یقینی بنانو تے اسمبلی انتخابات غے دوران حفاظتی اقدامات غو جائزو لینو ہے۔ اپنا دورہ غے دوران اُنہاں نے سب ڈویژن گندوہو مانہہ گو رنمنٹ ہائر سکینڈری اسکول کلہوتراں غو معائنو وی کیو۔ تے اُنہاں نے چناؤ غی خاطر حفاظتی انتظامات و ر تسلی ظاہر کی۔

\*\*\*\*\*

### DEO Reviews

کٹھوعہ گا ضلع چناؤ افسر ڈاکٹر راکیش منہاس نے کل ریٹرننگ افسراں تے اسسٹنٹ ریٹرننگ افسراں غی اک میٹنگ غی صدارت کرتاں و اں ضلع مانہہ اسمبلی انتخابات 2024 سنگ جُڑیا گجھ حساس پہلواں و ر تبادلہ خیال کیو جے وے ریٹرننگ افسر تے اسسٹنٹ ریٹرننگ افسراں گا دفتران غی حفاظت سمیت تمام تر ضروری اقدامات نانہہ یقینی بناویں۔ اس موقعه و ر فرضی ڈرل کروا غے چناؤ غے دوران نامزدگی عمل بارے تیاری کروائی گئی۔ تے اس گل و ر زور دتو گیو جے چناؤ غے دوران صحیح معنہ مانہہ سلیقہ، شعور تے سالمیت غی اہمیت نانہہ برقرار رکھیو جائے۔

\*\*\*\*\*

## Labour Commission

لیبر کمشنر غا دفتر غی طرفوں جموں کشمیرت یوٹی مانہہ تمام ڈکانداراں تے تجارتی کا روباریاں نانہہ کہیو گیو ہے جے وے ہفتہ مانہہ اک دن مکمل طور لازمی بند دن نانہہ عملاویں۔ دفتر تیں جاری سرکولر مانہہ مزید کہیو گیو ہے جے محنت بارے قانون غی سیکشن 13 غے مطابق بند آلے روز کوئی وی کاروباری اپنا ملازم نانہہ تجارت غا سلسلہ مانہہ ڈکان وریاہ کسے وی جگہ نہیں بلا سکتو۔ تے ناہی اس دن بارے تنخواہ مانہہ کوئی کٹوتی کر سکے۔ محکمہ غی طرفوں مزید کہیو گیو ہے جے اس سلسلہ مانہہ کسے قسم غی خلاف ورزی غی صورت مانہہ قانون غی سیکشن 38 غے تحت قانونی کا روائی اپنائی جائے گی۔

\*\*\*\*\*

## DLSA Poonch

ضلع عدالتی کمپلیکس پونچھ مانہہ 14 ستمبر 2024 نانہہ اک قومی لوک عدالت غو اہتمام کیو جا رہیو ہے۔ جس دوران مقدمی معاملات آپسی سوجھ بوجھ سنگ نمیزیا جائیں گا۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔